

憲章外史續編

嘉靖注畧卷之五

太學令許重熙編次

丁三十八年春正月六日夜雪。子刻立春猶臘雪。時方急管三殿以節假暫輟始雪。禮部表賀。上喜。批云。工起乃和霽。匠歇而瑞零。上玄恩眷。朕心感悅。又胡宗憲進三白鹿。母者得之海中。周山公者得之齊雲。禮部表賀。郎徐學謨撰表。有以耦乘奇。天作一時之合。自川徂嶽。神彰兩地之能。上亟賞之。用硃筆點綴。蓋上留意文字如此。二月虜萬騎入大同。殺守備唐天祿。

三月鄭曉

宜任煩劇

夏四月虜把都兒萬衆入桃林口掠永平守將蔣
勦戰沒○倭寇流劫如臯秦興海門通州○西
三殿及奉天午門俱災○移朝儀於端門

五月官兵潰於楊州倭遂流劫淮泗軍官沃田丘
寵皆敗沒倭入天長又入盱眙其衆半錄

東逸

六月參將劉顯感倭於安東令三百人陣於
四十人塞隘巷六十人分四部伏岡下三巨艦積

上流倭自巷出者悉斬之其渠魁衆盡登顯單騎橫貫其陣兩刃騰躍矯捷若飛倭衆圍之三百人陣而前斬前隊二人賊衆披靡伏四起夾擊大破之賊潰奔舟舟已焚遂殲之

九月趙文華罪免文華憑籍嵩資要結上寵進方士王金所製仙酒謂可延年且言嵩所常服上以問嵩嵩不敢承上惡其無實寢疎之一夕遣中使至其第賜之衣文華醉拜不成禮上不懌會言官謝江等各言其在江南贖貨狀上屢問嵩嵩憚上嚴明不敢掩護文華疏請暫假上卽令回籍其子

惲思請假送親以晦日具疏。上大怒。黜文華。惲思戊邊。文華尋患。盡腹裂歿。○論殺爲民沈鍊。宣府市鍊編籍口外。悻悻失志。開書院招遊士。群議朝政得失。時時南望。戟手罵賊。嵩父子又傳檄京師。欲起義兵以清君側之惡。總督楊順方媚事嵩。聞鍊所爲。必欲殺之。密語巡按路楷。因所捕獲妖人閻浩。出入虜地爲奸。楷卽詭稱浩等師事鍊。煽妖虜。皆鍊教之。并構鍊子襄具獄奏上。請誅鍊。浩得免。卽時斬決。巡撫以下以捕獲功各賞資。在邊他長吏畏其口。咸貌敬之。時有所饋。而順方殺平民奏首功。

以金遺鍊結好。鍊報詩曰：殺生報主意何如。解道功成萬骨枯。試聽沙場風雨夜，冤魂相喚覓頭顱。順得詩大懼，遂辭殺之矣。襄亡，匿脫禍。後以資官至知府。十一月，汪直就擒，直與宗憲俱徽人，曾相識。比直爲海寇，號汪五峯，招誘群倭爲江南大患。直居島中，擬王者毛漱葉宗滿謝和諸不逞皆屬。宗憲旣秉鉞，徑迎直母子置軍中，厚撫之。而奏遣蔣洲持其子書通意，許以不忤。直大喜，傳文洲徧諭各島，如山右、豐後、島主、源義鎮亦大喜。乃遣夷僧善妙等四十人隨直來貢。直潛行詣督府，與宗憲面定約。宗憲厚遇之。

直遂遣毛激助官兵擊倭所最桀驁者宗憲得以其
間定徐海陳東巡按王本固奏直等意未可測朝議
洶洶直久不得報復遣激見宗憲且要中國一官爲
質宗憲反覆論以無他命指揮夏正同激往召直入
見直遂與葉宗滿王清溪入宗憲令直自繫按察司
獄爲之奏請曲貸其死以繫番夷心巡按王本固以
爲不可且言宗憲入直金錢數十萬爲求免死宗憲
大懼追疏盡易其辭言直自送死寔藉玄庇應廟廟
處分之於是嚴旨責宗憲勦捕餘黨而毛激謝和在
舟謂督府詒我出怨懟語將夏正寸斬之撫之不復

來矣。散掠閩越淮揚間。然既失直。群賊亦不振。

戊午三十七年春正月。光祿火。○虜入大同塞。

三月。科臣徐浦劾戶尚書方鈍昏庸依附。改南兵部。

○起楊博於兵部。黜許論爲民。○虜婦桃松賽者。辛

亥第三妾也。與其下收令哥通。懼誅亡入塞。總督楊

順納之。辛愛遣騎來索不得。縱騎大掠圍右衛城。順

恐乃言虜願以趙全丘富易。奏許之。遣桃松賽收令

哥夜遶。因告辛愛。辛愛執二人磔於塞上。丘富竟不

至。攻右衛益急。科臣吳時來劾順貪胡婦之來奔。爲

已功。張皇敵勢以自解。輕墮虜計。賂御史路楷籍口。

平日虛糜餉金祇以肥家許論此周隱蔽宜各正罪

命逮順楷詔獄○徐海就平之歲趙文華疏請宗

憲兼浙撫而阮鶚移撫福及倭犯福州鶚不能制則

取布政司庫銀段疋賂之遺以新舟載去給事中劉

佑劾之逮歸京師尋黜爲民以王詢代○御史萬民

英劾侍郎吳嘉會前撫薊鎮侵牟築塞帑金逮下詔

獄尋削籍○給事中吳時來劾嚴嵩輔政二十年引

用匪人邊事日壞其子世蕃干典國政引萬案爲文

選方祥爲職方賂賄公行主事張紳劾嵩位極人臣

貲甲天下其險足以傾人其詐足以惑世其辯足以

亂政其才足以濟惡主事董傳策亦劾嵩姦貪誤國
詔三人俱廷杖之謫戍嶺南

夏四月倭犯溫台叅將戚繼光赴救與倭戰於寧海
城下壯士朱珏斬其渠驅之於瓜陵江盡殺之○倭
破福清執知縣葉宗文又破惠安知縣林咸歿之○
命楊博出督宣大右衛被圍四閱月守將王德戰歿
尚表厲氣循城歿守虜遂引去○裕王妃李氏薨

五月久旱上齋祀高玄澍雨霑足○東陽地湧血
○叅將尹鳳敗倭於七礁○浙倭退至大田會雨甚
由間道走仙居出白水洋戚繼光引兵伏上峯山待

賊過半起而覆之。賊餽餉登山據險。壯士斬關上賊。
殊死鬪。官兵圍之數重。四面舉火。盡焚死。而舟中之
倭據長沙沙外。監丞孤懸。繼光令騎將李成守隘。順
而自浮海登沙。薄之以正兵先進。奇兵出賊後。焚其
舟。舟盡焚。賊半伏誅。半陷海死。

六月禁兩京衙門及巡城御史不得受民訟。

秋七月。河南地震。○職方郎中唐順之查理薊鎮時。

王忬在薊州大觔中。貴及官人家被傷者。號泣上

前。上心動。諭嚴嵩曰。忬不忠。理不可宥。及順之行。

邊。嵩餞之。指所飲薏苡酒曰。酒爲王忬所餽。酒佳。猶

舊官漸不如昔矣。順之談信。比回奏。秦忬獨多。先以稿呈世蕃。世蕃詫曰。如所言。王忬速矣。稍爲削草。止存一卒不練十六字。

閏七月虜寇延綏。○西苑上嘉禾五本。○以曾子喬孫爲世五經博士。

九月冊生員陳景行女爲裕王妃。是爲仁聖皇太后。冬十月虜十萬騎薄界嶺口。守帥馬芳禦之。虜不得進。乃分騎潛犯黑谷。把總馮時雍歿之。明日二百騎奔還界嶺。芳力戰擒三人。斬首三十八級。

十一月虜入遼陽。詔李總兵楊照倅。○御史王本周

李珣各奏劾胡宗憲岑港養寇溫台失事之罪追論
宗憲私誘汪直啓釁上批曰逆直罪浮於賊宗憲
用計誘獲人皆知之小人嫉功不明功罪宗憲上疏
自理曰汪直爲東南大患節經部題先有購求之文
後有許降之議臣不惜身家百計以困之茲幸擒獲
言者誣臣爲啓釁是嫁無窮之禍於任事者之身耳
昔歲徐海陳東葉麻結巢柘林攻城破邑者四年是
誰啓釁耶况直久雄海上往年住泊海表俞大猷以
福船五十艘攻圍數月竟爾逸去中外驚詫以爲猛
虎幸而獲之復以爲么麼誠么麼也不爲功足矣何

至爲罪。上報曰：卿計擒妖賊，人皆所曉，且竭誠盡布以平餘氛。○柯梅倭駕舟出海，命大猷擊之，群倭赴洋南去。

己未三十八年春二月，給事中劉一麟查覈邊儲，回奏曰：邊之備弛在巡撫，而兵爲已任；招選家丁，坐糜廩餉；總兵則以兵機掣肘，苟事賞祿，不習戰守之策。故邊事日壞，今三鎮之兵不在召補，而在選練；三鎮之糧不在增加，而在節省。因陳便宜八事。○楊照敗虜於遼東。○把都兒幸慶雲驛，薄薊州塞，總兵歐陽安禦之，敗績。詔逮安下獄，奪王忬俸。○屢關隘以嚴。

樓大小石山深木茂爲紫荊關外蔽奸民盜伐莫禁
大同集以修營房爲民搬移採取巡撫葛綰疏請禁
止

三月賜丁士美等進士○山西軍亂殺叅將高鵬遂
擊畢文○譚綸敗倭於浙之象山○倭劫崇明三沙
掠楊州海門○有倭二千餘突犯饒州

夏四月倭攻福寧州破福安縣往來漳泉○江北倭
侵通州總兵鄧城敗績指揮張谷歿之○盧鏗敗倭
於三片沙黎鵬舉敗倭於福之七星山○發倭僧清
授於四川安置○江北副使劉景韶遊擊丘陞與倭

戰於丁堰如臯海安三勝之。倭悉攻楊州。陞又敗之。
景韶感倭於潘莊勦絕。○叅將曹克新大敗倭衆於
姚家蕩。斬首四百七十八級。餘衆退保廟灣。再戰於
印莊新洲。斬首二百餘。○唐順之爲右通政。仍同宗
憲經畫倭事。○虜自遵化潘家口入。大掠遷安玉田
薊州間。駐內地五日。由大安口遯。詔切責王忬。巡按
方輅劾忬調度失策。貽害地方。當虜屯會州。擁衆南
下。漫不設備。前犯灤東。虜意在西。及虜已西。而我兵
反東。致虜乘間入。調遣無常。軍令不一。將士與虜對
壘束手坐視。宜亟黜爲民。別選才望。上曰。忬官久

志怠調度失宜致虜深入速赴京鞠問初忤與世蕃
厚善自御史超拜都御史出上手批非由會推也
已南北經營上眷注特重比忤于世貞以口語失
歡於世蕃而薊鎮又連年多事嵩不爲調護敗失屢
聞忤不自安慙慙力輅論已冀得一遣去不意聖
怒由此不釋刑尚書鄭曉當忤守備不設律戍邊
上批曰諸將皆斬係軍令指揮之誤出令者顧得附
輕典非法於是改失誤軍機律斬

五月唐順之自將攻倭於廟灣屢挑戰倭終不出順
之怒督兵入險我兵死傷甚衆順之知未易猝破

言經畧三沙南去。○倭衆圍福州城一月始解。○汪直餘黨毛澈移衆南澳建屋而居。○劉景韶圍廟灣日久賊終不出乃令水兵截葦焚其舟賊爭救舟力鬪殺傷甚衆乘夜雨潛遁入舟我兵進據其巢餘倭無幾乘風開洋而去江北悉平。○叅將尹鳳追破倭舟師於梅花洋。○改楊博總督薊遼博聞命卽赴鎮虜悉引去博約諸帥同舉烽燧揚旄纛自居庸至山海瀾漫千里礮聲震山谷如是者三虜大震叠終歲不近塞。○廕陶仲文子世恩爲大常丞。

秋七月三沙倭突至江北犯楊州劉景韶丘陞大賊

之於鄧莊，倭走鍋圈，陞輕兵徑進，馬蹶歿之。○土酋番寇西寧。

八月，景韶兵圍倭於劉莊，胡宗憲遣劉顯以千人赴援。巡撫李遂激江北兵盡屬顯，以一軍心。顯率所部先登，自辰至酉，賊巢始破，賊奔白駒場，又追敗之，賊衆盡殄。

九月，唐順之巡撫江北，代李遂。未幾卒，順之故以三不朽自任，博學強記，自六經諸子，以至算射兵法，陰陽小技，無不研究。初罷歸，閉門獨居，力爲矯抗之行。天下士靡然慕之。晚年由趙文華得交嚴氏父子，起

家南京兵部主事。不二年開府淮揚。三沙之敗。僅以身免。其卒也。嵩以軍功爲請。卹典吳山持不可。久乃得之。順之所最善友。王畿爲王守仁弟子。挾順之爲重。所至說公徇私。以道學盛名。莫之敢指。然畿故有辨才。爲理學家所尊仰。稱龍溪先生云。

冬十月召尚書楊博還部。起故尚書許論代督薊遼。○廣東賊張璉林朝晞嘯聚千人流劫潮陽諸郡。

十一月蘇州市獨爲亂。夜燒劫巡撫翁大立廨舍。大立踰牆遯免。亂猾衝葑門出走。入太湖。○虜犯蔚州。圍大照堡。壯士龐鐸募衆拒守。擊虜數虜。乃引去。

庚申三十九年春正月馬芳敗虜於洗馬林

二月遣官祈穀於玄極殿。○故中允大計被斥郭希顏怨大學士嵩密使人至京於闕市中揭匿名帖言嵩欲謀害裕王以搖動群情已遂上疏請建帝立儲云君臣相信則儲安王與嵩皆疑不自安何暇善後必諭元輔使知王無他諭王使知嵩終無他則儲可得安也兄弟相保則儲安官府不宜久虛山川若已預待聖明早斷及時勅王就國則儲可得安也父子相體則儲安堯舜不能揖讓伊周不得假手皇

上端拱以順天人從容而議建立宮中問省之策不

時而進。麾下富貴之想。奚自而生。此安儲之上計也。
疏奏。上不悅。曰。立子爲儲。帝誰可爲建者。不義之
民。欲速行新政。以君相久位。不攻君。卽攻輔相。槩可
見矣。於時科臣藍壁奏。希顏怨望傾險。坐妖言惑衆。
律斬。上令所在巡按。卽時處斬。梟示四方。詔下。希
顏方從客家宴。御史詣其家。修蒲就坐。聊左右與
之出。昇赴市。妻子俱不及訣。○南京營卒亂。殺侍郎
黃懋官。初各營軍月米有妻者一石。無妻減四。每石
折銀五錢。及馬坤爲戶部。減折四錢。諸軍始怨懋官。
性刻削。更嚴核其死。亡冊榜管其長。軍益不堪。化

歲大稔米石至八錢。月過半猶未給衛卒。周山等倡衆圍懋官第。懋官踰牆出。諸卒競前撲殺之。懸其屍於市。復脅兵尚書張鏊求賞。誠意伯劉世延諭曰。爾輩但求賞易耳。翼日文武大吏集守備廳。侍郎李遂揚言曰。黃侍郎自越牆歿。據此聞奏。不得稱叛。麾亂卒退。衆前求賞。遂曰。今日求復月糧可得。求賞不可得。乃人給銀一兩始散。遂密召坐營官華恩。張勲。阮跡。周山等二十五人。掩捕下獄。事聞。奪馬坤官。世延坐他事閑住。斬亂卒三人。餘調邊。

三月御史林潤劾祭酒沈坤居鄉暴橫。舉放私債。嚴

刑逼取以私忿囑官監禁上惡之命視其職逮繫

來京訊問尋庾夙坤辛丑狀元也○虜窺喜峯口劉漢乘虛

襲其巢於灰河大獲

夏四月增築大同邊堡○虜都刺兒寇寧夏逼靈州

總兵趙應却之○御史耿定向劾吏尚書吳鵬受賄

不報

五月進胡宗憲兵尚書仍督沿海贈死事指揮夏正

生員林田等官

六月命都御史鄧懋卿總理天下鹽運

秋七月遊擊胡鎮破虜把都兒前鋒於連陰站回駐

河防口虜悉衆來攻鎮率敢死士戰於河外虜不得入乃分衆犯沙嶺燕子窩神堂谷遊擊白允中復敗之虜仍犯河防爲鎮所敗○舊豐州地崇山環合水草甘美叛人丘富趙全李自馨居之築城建墩號曰板升開良田數千頃接於東勝俺答內犯留都於此且二年每夏輒徙帳避暑大青山外而富等居板升如故大同總兵劉漢謀除禍本乃部分參將王孟夏將銳卒三千人前行漢與副總兵趙青後繼孟夏等疾馳入之斬首八十三級縱火焚其宮室時富遁廣北徙全走匿墩上麻祿總兵掘墩半墮而虜大至我

兵引退。自馨脫走。擄其弟自僞。及母胡氏殺全弟賢。赤我兵且戰且却。還於大營。翌日入邊。都御史葛福以聞。陞賞將吏。卹陣亡指揮張戢。

冬十月。諭景王之國。○趙王厚煜無故自縊。官婢見王咄咄自語。恨其妃與成臯王陰事。成臯王懼。乃以知府傳汝礪通判田時雨忤王事聞。蓋時雨撻洛川王奴。汝礪囚湯陰王奴。王俱爲之解。而二人不理也。時雨坐斬。汝礪謫戍。

十一月。王忬楊允繩棄市。相傳上夜御便殿。視雪。威有念民言太息。官婢以守邊士尤苦對。上疑之。

卽傳旨處決。蓋宮婢或有爲言之而。上固神明。莫測也。○茅瓚爲吏侍郎。偶倩工修足甲。爲刀所傷。乞假疾數日。上曰。銓曹非養疾地。令回籍。以袁燁代之。○陶仲文卒。以伯禮葬。仲文以方術幸。雖日侍左右。而并不干預朝事。且默有所獻納。上始終禮遇之。比請老還籍。悉以所賜金幣獻進。上給工部爲薦。溝橋之費。○匠役徐杲累遷工尚書。杲有心計。以規合當。上意三殿災。莫省其舊。杲以意料量。不失尺寸。上每稱其能。謂群臣不如杲。旣處貴位。益自抑遜。修謹不改故服。人亦重之。

十二月奉寧叛夷果力簡導虜人寇。顯言挾虜求賞。巡撫侯汝諒遣通事誘之入伏甲襲之。遂擒果力簡及其黨四十人。詔賞總督許論以下文武將。辛酉四十年春正月陝西土人得白鹿於商南山進獻。○虜騎掠河西守將王世臣戰沒。

二月辛卯朔日當食陰雲不見。上悅以爲天眷。尚書吳山以護禮畢報忤旨。山引罪。上曰如常救護。寧盡已誠是矣。不敬天意。賣直沽名。不可也。部科各罰俸半年。時嚴嵩自西直使人詣部急索賀表。嵩曰吾誰欺欺天平。嵩奏之。故激。上怒於是吏科梁

龍劾山而難於公義，并劾吏尚書吳鵬。上無意去。

鵬姑令致仕，而山冠帶閑住。初，山得上寵，世蕃欲

求爲婚，設酒享山，而李本爲介。山謝曰：「山無從有女，

遂罷酒。」一日，上諭嵩內閣可四臣否，意將用山。山

子告其父，須赴嚴公一揖。山斥之。嵩遂密沮。比景王

之國，諭下部山遽上之國儀註。上不懌，不得已允

行。而山寵浸失。至是，奪職去。山卽募一民舟行，歸至

徐州，乃易官舫。雖經蟒玉，第以青衣角帶見客也。○

流賊馮天爵劫建昌、南豐，殺守備王址。自太和間道

趨湖廣，爲南贛將邀斬之，賊遂平。○丁未，景王發京

師五月望至國。

三月鳳陽獻白兔。

夏四月分遣御史王大任姜儼海內訪求仙術異人及符篆秘方。

五月蘇松嘉湖大水。平地深丈餘禾苗盡無。○李本母喪去位。

閏五月查盤科道羅嘉賓龐尚鵬言浙直軍興以來督撫侵盜無慮數千萬張灼所數者趙文華十萬四千周琬二萬七千胡宗憲三萬三千阮鶚五萬人。史褒善萬一千趙忻四千七百乞通行追究。宗憲上

疏自訟曰。臣爲國除克用間用餌。不有小費。不可以就大謀。而忌者遂緣此生奸。指爲侵尅。臣誠不能以危疑之迹。自理於讒謗之口。上優詔慰留之。時倭難少息。而羅龍疏至。嚴嵩謂人曰。昔王守仁侵濠幣。議者以有大功。訕讓不及。嵩言雖爲宗憲護短。而事體應亦如是。○初嚴嵩在直。歲終一歸邸第。揭謝有蒙恩賜假。子孫羅膝觴晏。皆高厚所庇語。上諭曰。卿奏似有勸我之意。我豈異人情。往歲宮變。上天是敕。我已世外人矣。故別居西內。令其母子自歡聚耳。嵩惶懼。世蕃爲覆奏曰。古者多男多壽之語。豈惟用

以此祝君。君亦以此望臣。故臣搗及之。陳感激之私耳。實不敢有他心。奏入。上意始解。及嵩妻歐陽氏卒。詔留世蕃侍養嵩。而令世蕃子鵠護喪歸。嵩在第八。上諭徐階。君臣之義。不如夫婦之情。遣階沐浴。階對臣。即歸第。亦無所樂。竟不肯出。上悅。自是屬階而疎嵩。

秋七月己丑朔日食。袁煒奏食止一分。與不食同。免救護煒。懲吳山之禍。故云。

八月嘉禾生御田。異穎同本者四十九。

九月虜六萬騎犯居庸。總兵姜應熊禦之。戰於南。

中鎗墜馬。叅將胡鎮力戰，援之以歸。○故尚書潘若水曾孫奏乞贈官。上曰：若水偽學盜名，昔爲臈龍叅劾，此奏誇譽，其以狀對。尚書歐陽必進謝罪。上責其徇情，奪少保。

冬十月，御史黃紀劾黃花鎮守備太監紀揚貪殘不法，命革之。初，守備太監各處俱革，惟此以陵後繼留也。

十一月，淮王獻白雁。○袁煒爲大學士，入閣。郭朴書吏部。○劉顯威繼光連破賊於林墩，聞之，宿寇平。繼光引兵還浙，遇倭自福清東管登岸，麾兵擊之。

斬首一百八十。既行而倭至。日衆聞興化府城。臣且守卒疲勞。賊夜以布梯傳城入之。叅政翁時器通。目知奚世亮被殺。劉顯在會城。聞興化危。提兵往援。至則賊已在城。又所將不滿七百。且疲於屢戰。畏敵銳。不敢膺。乃逼城而陣。

壬戌四十二年春正月。營萬壽宮。故文皇舊宮也。自

壬寅宮變後。上卽移居於此。仲冬辛亥夜災。上

暫御玉熙宮。嵩欲諷上還大內。具言不宜興復。上

不悅。徐階密與雷禮議。令禮上疏趣辦。而自以其子

太常卿璠督工。上以爲忠。嵩惶恐。疏請以子世蕃

同璠供事。

上不許。

三月賜徐時行等進士。是科首甲三人。時行及王鏊。爵余有丁俱內閣。○罷選庶吉士。庶吉士素號清選。至是競以賄求。有持券入貸於司禮黃錦。錦密以聞。上惡之。時閣臣已取定進士五十人。赴東閣考選。方立丹陛前聽題。忽傳旨報罷。

夏四月

上御新宮。加徐階少師。

上夜坐庭中。

幄後忽獲一桃。

上喜曰。天賜也。修醮五日。復有一

桃降。其夜白兔生三子。未幾白鹿亦生二子。群臣表賀。

五月屬夷王杲導虜入寇守將黑春劉普敗之於桃山大捷已復攻鳳凰城轉掠湯站黑春擊之虜佯敗去春乘勝而前陷虜伏中力戰二日歿○御史鄒應龍劾奏大學士嵩子侍郎世蕃憑席父勢專利無厭大壞選法群醜競趨如刑部主事項治元以萬三千轉吏部舉人潘鴻業以三千金得知州大而卿尹方岳何所涯際家人嚴年士夫呼爲鶴山先生其甚大若是則主人何如耶世蕃名雖居憂狹客出宴以繼夕已爲鬼神所厭挾其目矣世蕃子鵠視祖爲奇貨攪擾道路郡邑爲空則威權之所煽也請

世蕃頭以爲人臣鹵橫之戒。疏入。令嵩致仕去。逮世蕃拷訊。初。世蕃自恃材寵。凌侮縉紳。縉紳多怨。而積跡暴著。視爲固然。徐階外與之締姻。而內行其蠱。上信階言。漸疎忌嵩。會方士藍道行以扶鸞見。自稱能使鬼神。上默以輔臣賢否問箕。箕判言嵩父子弄權狀。上乃大疑嵩。階遂授意應龍也。應龍尋陞通政。參議嵩上疏爲世蕃求解。上不聽。世蕃及子鴻鵠。羅龍文皆論戍。窮治世蕃黨。侍郎劉伯躍。何遷。少卿白啓常。都御史張雨論德。唐汝楫祭酒。王材俱革職。世蕃熟習典章。臨事機警。是時四方多故。凡遇

難事。參綜舊典。片言立決。每請司以事請裁。尚必
曰。與小兒議之。既竊國柄。遂妄侈無忌。其敗也。天下
人咸快焉。

六月。劉顯俞大猷。徵集狼兵。及永順土兵。進攻張璉。
擒之。其黨林朝曦遁入海。

秋七月。三殿告成。乃易奉天殿爲皇極殿。華蓋謹身
二殿曰中極建極。文武樓曰文昭武成閣。左順右順
門曰會極歸極。東西角門曰弘政宣治。

八月。上以永樂大典卷帙浩繁。命官重錄一部。以

副。

冬十月蘇松道按陳璘留任一年

十一月南科臣陸鳳儀劾奏胡宗憲十大罪。大畧言：宗憲與汪直同鄉，所任蔣洲陳可願皆賊中奸細，賊衆無幾而宗憲按兵養寇，與爲誓約，督府積銀如山，聚奸如蝟。茅坤、田汝成輩皆游舌握槩，又且宣淫無度，納部民之女，干紀亂常，乞加顯斥。疏奏，命逮宗憲。罷浙直福廣總督，及宗憲逮，至具獄。上曰：宗憲提嵩黨，自御史至今官，皆朕陞用，數載無言伊過，鄒應龍朋邪縱害，大臣罷斥不少矣。當注直原議，獲者等封官，今却加罪，後來誰與我任事？其釋令閑住。

詩咸頌

上神則云宗憲將殺徐階年最輔臣階必能

殺之利道群言未盡法復建之聖京仰藥厥

高儀曰宗憲之立功專倚高父子爲國懷殺徐

最恨之前後劾疏皆階授指也第汪直之推桀跳

梁數年莫敢誰何不以擒者爲功而以爲罪勞臣

所由短氣耳

按王忬失機而致辟宗憲功成而受戮後世以忬

爲嵩罪而不以宗憲爲階罪其下流難居而黨可

觀過歟

癸亥

四十二年春正月

上問大學士徐階曰同官可

嘉靖注卷

卷五

增誰堪其任。階曰：知臣莫若君。上曰：君知臣，臣與我。太祖耳若嵩，朕所自簡，而不才至此，此官與相名而有相職，相必君釋古之正理，庭推非道，但後世官生之主，不知人耳。階曰：堯用四凶，後乃放殛。太祖用胡惟庸，後乃罪誅。皇上始用嵩才，因其子而斥，無損於明。上曰：四兇惟庸非堯。太祖不知然。太祖亦何事不知？後世官生內長，能無悞任耶？嵩罪非聽子，乃故縱之殃民耳。

徐學謨曰：上自登極以來，所用臣惟張孚敬、夏汝寧、嚴嵩、知遇而兩人之短。聖明洞見，惟嵩委任。

幾三十年。日在左右。而終無一事件。有業懲其子。猶念嵩忠勤不置。最後言嵩罪非聽子。乃出故縱。則燭照矣。

按王世貞記嵩晚年每承 聖諭。必藉世蕃籌畧。方應答無忤。而機務亦須世蕃取辦。故嵩不敢自名其子。而呼曰東樓。又鄒守益記嵩罷官家居。閱所藏有銀二百萬。驚嘆曰。此不沒入。則天火耳。卽欲昇出付官。以代輸袁州三年之賦。子孫泣阻而止。

夏四月倭自長樂登岸流劫福清總兵官劉顯俞大猷合擊於遮浪殲之祀總許朝光輕舟畧之於海倭盡焚其舟還屯平海戚繼光以浙兵至大戰於平海斬首焚溺一空福州以南悉平

秋八月嘉禾生御田○御苑龜生卵○湖廣撫臣徐南金獻白鵝○
神宗

皇帝○總兵楊照出塞掩虜中矢

九月河南巡撫胡堯臣劾奏伊王典袞頑成癖放縱怙終至炮烙人屍如陳大壯立致滅門如聶氏畧

良人妻女如周氏等四百餘口。強占人房屋如方城等至三千餘間。詐騙民財如張學等至三萬餘兩。私製皮甲。造軍器。鑄火炮。出城演武。私闢宦侍招集亡命。擅立稅殿。迹涉無將。詔三法司議入。上曰。典模久蓄異志。恣行僭擬。不臣罪狀。昭然顯著。既經叅論。覈實姑革爵降爲庶人。禁錮高牆。削除世封。命駙馬謝詔告於太廟。時梁散人侍。上左右。上時問王。梁輒及王宮中秘事。上領之未發。而洛陽士夫素怨王。故勘官條覆不無文致。而王之怙惡。上已先入矣。

冬十月乙未有暴風自北起

上諭輔臣以兵火當

防且云楊照事可鑒階傳示兵部移檄各邊而宣大

總督江東檄報事數萬迤邐東行謀報將窺牆至

薊遼總督楊選爲屬夷所紿東備潘家口而虜竄破

牆子嶺擁衆大入丁卯屯平谷進掠通州警報至京

是夜上於宮中燈見東南火影諭輔臣階臺告急

命鎮遠侯顧襄集京營兵勇疎城內外趨禦

人戎旅楊選尾虜至通州夜宣府馬芳兵至巳巳

大總督內陳兵至庚午及內姜應熊劉漢兵至

上諭劉漢護守城寢馬芳專衛京師各餘緝徂護

州袁正往護潞河灣勅江東節制諸軍時總兵胡鎮
孫贖遊擊趙藻赴通州迎敵有旨鎮至通州追賊得
無乏食其遣官賫餉濟之俄總督楊選以虜東退聞
自詡追殺功爲將士祈賞上疑之以問大學士階
階曰賊大營尚在乎谷選等已在通州矣上曰選
止是送去敢言追殺其誰欺乎今外兵四集只遊戲
一場不過庚戌之故事博東有何奇策付諸將行以
伸華威皇祖歲一巡邊今內逆欺外賊侮可慨博
乃條上戰守十事厚立賞格榜示○江東往屯順義
令姜應熊麻錦設伏古北口庚午胡鎮遇虜於灤東

虜方圍傳津舍之乘鎮陣未定驟來搏之陣分爲三
鎮斬馘數級身被六創臄漆皆灰會楊縉石玉兵至
虜乃開壁縱鎮出虜大掠濠東○刑科李瑜劾諸將
擁兵觀望上大怒命逮楊選徐紳諸將懼零斬報
捷○改宣四至丁丑虜引去以精騎殿後諸將望塵
走之虜至鴛子溝泰將郭琥扼之乃取道龍王峪出
時精兵健馬畢集而功止此識者恨之○論斬楊選
於市妻子流徙命次第勅至功來加賞胡鎮及優卹
陣亡者兵部議恩勞而不及奉其輔臣上以爲故
事平月來惜在臣等奉龍卽冀廟議有罪已幸豈敢

希恩。上曰：博意或失望，階力言無他，且延臣中熟知邊事，無如博者。初，上欲以丁汝璈處博，階極力護之，故得免。

十二月，尚書雷禮請建京師重城。上詢於階，階言：重城保障之效，南城可觀，不築則已，築則必圖可守。上謂禮實爲之，已不果築。

甲子四十二年春正月，用順天尹劉畿言，城潞河灣。○狼山副總兵劉顯行部至通州，同知王汝言不爲應，顯奏其抗違制書，詔降汝言一級。

二月，景王欲有荊州之沙市，知府徐學謨以非屬

旨不肯予。王怒，奏請逮學謨至京。閣臣階謂地土在彼中，卽付撫按訊足矣。學謨尋調用。○聞有殘餘數千，巢漳浦之蔡嶺，戚繼光將兵追之，身持短兵緣崖披棘而上，迫賊壘，火戰破之，斬首數百。悉平之。閏二月始定兩京主考，迴避本貫。

三月京城妖人呂聚衆謀亂，官卒獲之，伏誅。○廣巡撫吳桂芳命將擊倭於鄒塘，焚斬四百人。○故料臣繫獄沈東，妻張氏疏言東在獄十六年，有老親年八十有九，而東固無子，願代東繫獄，暫令東侍父終年不聽。

夏四月庚子木火土金四星聚於柳

五月壬寅朔日食○金星再晝見

六月俞大猷湯克寬感倭於廣東之海豐擒斬二千

餘人○刑科臣張岳疏陳講學之弊言今講學家以

富貴功名爲鼓舞人心之術而爭附者以爲不通其

說則無以濟其富貴功名之私卽與會之時言語色

笑惟覘異同於上官位尊者叅言衆皆唯唯群工廢

其職業群萃雜處以惑衆聽善乎宋儒之言曰願士

夫有此工夫不願有此門戶也時大學士階柄政反

嚴氏之濁開講學以收譽故岳微言之恐觸時忌引

而不敢發也。岳不久亦外補。

徐學謨曰：蘇軾有言：昔之君子以荆爲師，今之君子惟溫是隨，向往何常之有？惟視當事之指揮以爲進止耳。媚嚴媚徐所嗜若不同，而逐所嗜則一也。

冬十月戶科李邦義奏曰：理財之道，生衆食寡爲疾，用舒而已。今錦衣恩廩踵接肩摩，帶銜之官日增月益，不可不慮。戶部計支月米二十四萬五千石，而營操諸卒止於九萬餘，皆錦衣吏士匠役諸色，有一人而月領數石者，士馬實數司農不知也。錢穀出數司

焉莫稽也。其弊將安止哉！一聞警報，調遣先發，邊餉焉得不靡？太倉金錢，舊供客兵之用，而主兵取足於屯租耳。邇來屯場拋荒，一遇缺乏，卽行奏討太倉。如何不匱也？近者徐淮水旱，逃亡過半，而猶靳改折，或有脫巾之呼，不可不慮也。上納之。

十一月旱風霾。○御史林潤劾奏總鹽都御史鄢懋卿貪黷殃民，命削籍。○嚴世蕃當戍雷州，中途潛歸。羅龍文亦潛住歙縣，潤下徽州府推官栗祁密捕之，不得。或言匿世蕃家，時世蕃在家大治室宇。袁州推官郭諫臣亦欲借事自媒，政府乃白監司言世蕃召

聚卒役狀。潤乃奏世蕃龍文潛通外夷謀爲不軌。奉旨收捕二人至京。卽訊。蓋龍文係徽人。俠游四方。以誘致汪直爲胡宗憲所睚。因薦之。世蕃客嚴氏未久。而其禍以階。惡宗憲之故。令御史王汝正劾奏。宗憲龍文方就逮。知府何東序卽封錮其家。以候籍沒。及宗憲歿。上憐其功。免究。而龍文得戍去。父子亡命矣。至是潤疏下。有司捕嚴氏他客之羅姓者。實之而龍文竟莫之跡。

乙巳四十四年春正月丁未。景王薨。無子。迎葬西山。賑畿內饑民。

三月千步廊火

上諭階此文積近地他日纂修何

稽階曰正德十六年以來內外題奏及四方審文計

八十三萬二千餘本俱貯六科廊內其千步所積先

朝遺疏也置之○賜范應期等進士○少傅袁煒病

久告歸卒於途○吏尚書嚴訥請擢卑官之卓然者

以作興人材且云國初有以典史而推都御史如楊

堅以直廳而歷布政使如王興宗者稍倣此意今來

朝官各舉所屬

學謨所記一御史按行郡見典史路持餅餌責屬

之曰耶袖此充饑不欲擾民耳御史異而薦之納

遂擢爲知縣尋以貪敗爲朱衡所斥人情巧詐舉難付若此意亦由世輕此輩偶一爲之耳如蔣曆間天柱朱梓輩不可爲盡無卓異果爾三途並用惟賢是舉監司勿行其私不惟此輩得自展而進士之敗類者亦稍知自愧

徐階請補閣臣上曰嵩專政三十年朕以爲公不識其畏惡子肆誑可怒階曰閣臣地親任重每用四員原不欲權有所專自夏言暴狠人莫敢犯繼以嵩受制逆子事皆獨斷而後始有所專臣謂此官不但宜多須擇廉畏謹者而用之至於居首一員欲去

則准之。庶不得久居其位而恩威常在上矣。上曰。

汝此言在汝身家爲美。而忠君爲國。何嘗爲附。煩首。

謝。○林潤復上疏列嚴世蕃父子罪惡。言其畜養上。

卒巴踰二千。招納叛逆。更倍其數。奸人細作。出入京。

城。羅龍文招集汪直餘黨。潛通日本。牛信誘致胡虜。

南北嚮應。世蕃所坐。死罪非一。於是刑尚書黃光昇。

等具獄詞如潤所言。交通倭虜。潛謀叛逆。頗有証據。

得旨。世蕃龍文卽時處決。嵩爲民贖罪。家得金三萬。

二千九百兩。銀二百萬五千兩。

徐學謨曰。世蕃一虎。罔豎子耳。卽其罪狀。宜作奏。

嘉靖注畧

黨之條豈謂無可殺哉。指爲謀叛非正法也。關林
潤巡撫江南時治事院中。白日見世蕃索命。豈所
坐不得其平。猶能爲厲乎。

鄒守盜曰嵩。自奉甚儉。籍沒時。携故衣以出。向縣
官拱手曰。還我一介書生去也。臨歿。援筆書曰。作
屋因募夫。誣以聚兵。名其曰數千輩。無影並無形。
千古含冤事。傷哉何繇明。又大書云。歿後從人說
是非。

張大復曰世蕃威福自任親戚故舊如歐陽必進
吳鵬輩皆至大官而階故抑鄉里卽親弟陟亦不
肯爰引嵩之毒行於楊繼盛等忠諫之士階則
加於嵩之門下耳所謂以威福還朝廷階實有焉
又王世貞書面訓前輩惟階容之子弟或以爲言
階徐曰此人有筆茲事尤人所難

上不豫西內思成宮每有黑氛侵擾而披欄藻井上
忽見木綿數團上心疑之階疏慰解

夏四月內閣惟階一人屢疏請補上欲付之廷推

隋曰群臣才品無過聖鑒不如簡自宸衷使政機
自上上然之乃以吏禮尚書嚴訥李春芳爲大學
士入閣○郭朴尚書吏部○上惑於黑氛之擾諭輔
臣欲禪位裕王階奏曰皇上爲百神之主妖何敢
干我朝原無禪例前代亦非美談所不必言若攝
行政事與禪無異也

五月誅方士藍田王胡大順初藍道行下獄死其徒
何廷玉藍田王復幸於上大順始亦近幸後事敗
斥去乃妄製藥物託田玉上之指爲仙翼批製上
曰扶箕者何不來田玉遂詐傳密旨取大順至京

上以問輔臣階。階極言水銀不可食。詐傳密旨罪惡尤重。若置不問。群小益無忌憚。恐釀成大惡。至於官孽。謂壬寅歿者有枉。事在宮禁。惟皇上察處之。上乃命收大順等論歿。

秋七月。四川盜蔡百貫以白社嘯聚。所推遂統衆陷合州等七城。○河決徐沛之飛雲橋。東流逾漕。入昭陽湖。汎濫而東。舟行木末。十日而退。則漕渠湮沒無迹矣。上下凡百里。時運艘過沛。才三之二。

九月。鑿新渠。先是。盛應期督漕。議鑿渠。昭陽湖之左。以避河患。鳩衆就鑿。未半。爲異議所阻而止。至是。漕

漕以吏侍郎朱衡出督漕，衡躬自行河，尋應期所開，故迹視之以爲運道之利，無逾於此。疏請鑿之，自南陽至留城一百四十餘里。

冬十月，戶部主事海瑞抗疏曰：陛下初年剷除積弊，煥然與天下更始。高漢文帝遠甚，然文帝能充其仁恕之性，節用愛人，三代以後皆稱賢君。陛下則銳精未久，妄念牽之而去，謂長生可得，一意玄修，竭民膏脂，侈興土木，法紀弛矣。名器濫矣。二王不相見，人以爲薄於父子；猜疑戮辱，臣下人以爲薄於君臣；樂西苑而不返，人以薄於夫婦。天下之人咸不直。

陛下久矣。修齋修醮。相率進香。天桃天藥。相率表賀。工部極力經營。戶部差求四出。陛下誤爲之。諸臣誤順之。無一人爲陛下正言諛之甚也。玄修所以求長生也。陛下師事仲文。仲文則已歿矣。玄修之無益可知矣。陛下誠知無益。翻然悔悟。洗數十年道君之誤。使其臣亦洗數十年阿君之耻。明良喜起。薰爲太和。陛下性分中自有真樂矣。上初覽之。甚怒。抵其章於地。已復取之。御案日再三讀之。感動太息。留中月餘會。上病頗瘳。下詔曰。瑞晉主毀。不臣悖道。錦衣衛捕送該司。嚴究主使。法司擬大辟。

竟留中不下。○上因稱疾詔群臣曰。今人恨不新其政。瑞可見也。羣言俱是。朕今病久。不如甲子前矣。惟傳繼爲第一計。卿等當盡力行之。階奏曰。瑞誠狂妄。未嘗一言及傳繼。臣不敢關命。上曰。朕能御政。豈受此人詬詈也。此不可並處。當別計議耳。階奏曰。臣聞主聖則臣直。瑞誠不可並處。惟聖度容所難容。上曰。朕謂不可並者。以新君御此。如忌二上。別於南京建一宮宇居朕。豈謂海瑞耶。階曰。此古今必無之事。臣等萬萬不敢聞命。乃止。

十一月嚴訥罷。

丙寅

四十五年春正月虜寇宣府總兵任勇禦之。○

東總兵戚繼光條上平盜機宜畧言民間畏兵甚於畏賊。謹云賊來梳汝兵來篋汝言無遺也。廣兵有四鄉兵遇民則劫遇賊則奔募兵皆出烏合賊之間諜叅半賊兵則以賊攻賊必我兵足恃而後可用狼兵去留錄已所過擄掠慘不忍言今必用臣非用素練之兵不可。廣東養兵日給二分蓋彼中常調狼兵以五百爲千無敢查點分行劫掠以給饔殮耳臣兵一名不虛秋毫無犯必處三年之食然後可一意用之。重賞之下必有勇夫得賊首一級賞銀一兩非

所以待節制之兵也。依臣紀律，不計奇零，不殺被擄，不蹈妄冒諸弊。必如閩中事例，首首三十兩，從賊九兩，則兵心感悅。賊初起，易滅耳。釀其頭角已成，羽翼增衆，乃屈體求賊，以成招撫。或賊巧布私賄，以堅撫議。此有司因循之弊也。及計難掄覆，輕調鄉兵，累之浪戰一戰而敗，復求彌縫。張招撫爲奇功，稱寧謐，以掄罪及賊出劫如故。又從而爲之辭。甚者，劫擄命吏，只今縛獻，么魔塞責。大憝反，或論功。此有司蒙蔽之弊也。或有實心聽撫者，姦民乘其無備，截殺官吏，畏庇賊之嫌，置於不問。更有兵將欺其聽撫，復掩其

之有招撫而無典刑是解民爲賊耳有可視盜賊如
驕子視良民如路人民間生業日荒正歛日急方諸
盜賊苦樂懸殊劫以盜賊之威於是從賊者日多矣
古之爲將賞不踰時將士決死生於呼吸之間而
候賞於兩月之外師出無功未必將兵者之責也

軍中之機宜貴速因敵轉化或撫而示勦或勦而示
撫或致賊於窮下而與之共卧或輕賊以愧遺而離
其腹心或佯責有司之失不避嫌疑願同事諸臣容
臣便宜從事毋倡流言以報私怨庶能勇往成功也
二月承天大誌成上覽之因欲南幸諭輔臣曰朕

病久不痊欲一視承天拜顯陵取藥服氣此原受生地也必奏功者諸王不必迎從臣免朝朕用卧輿以符七月終還京矣徐階奏曰聖躬未復而欲南幸此豈崇護之道且邊警時聞官兵未壯而六飛遠狩京師空虛狡逆之謀倘或竊發聖駕在外能無憂警乃止

三月吏禮尚書郭朴高拱兼大學士入閣

夏四月壬戌朔日食○胡松尚書吏部高儀禮部○
叅將湯克寬破賊吳平於海嶼

五月左都御史張永明奏復吏部司官赴院儀節時

吏部郎官習久自尊不赴院報名不詣院庭參而卿
貳考滿至吏部必詣四司門揖俱屬傳訛悉詳議改
正

六月馬芳敗虜於宣府○湯克寬滅海寇林道乾

秋七月浙江西安礦徒作亂西安故有銅坑礦徒竊

取市利有司知而封禁之姦民不悅嘯聚數千人大

掠常山西安五縣攻衢州幾破之遊騎突入樊源掠

其帑藏而去知縣李志學避匿得免以失城池論

後以無城未減○諭內閣皇祖大寶正德甲戌火

失其五令市玉盈尺者補之○戶部司務何以尚請

宥海瑞。上怒其沽名。杖之百。尋出沈東。於獄釋爲民。

九月。新奉天諸宮殿。徐階言。湖廣連被水旱。一方力不能辦。上命工部協助。階云。適問雷禮庫金幾何。禮言。料價五十五萬。實欠過半。已借戶部銀十八萬。管繕司見貯止八萬。不能助也。上命姑修隆慶。棲思二宮。○漕河新渠成。初工未半。爲雨所濡。工不能施。群言紛起。謂移漕爲失計。階力言。新渠必所當開。上從之。至是渠成。○設廣東巡撫。初韓雍開府梧州。節制兩廣。已割惠潮。隸南贛。徵發益艱。言宮建議。

分設巡撫以李作爲之廣西於隆慶三年亦分設焉
冬十月御史徐熢言兩淮鹽課爲鄢懋卿所壞增額
百萬商民困苦命照舊額歲引七十萬五千徵銀六
十萬兩從之○胡松卒上欲用高耀代階曰吏部
須清潔剛毅耀皆歉焉乃改博代松而以趙炳然代
博○上諭階曰沐朝弼怙終不悛當預擇代者階曰
雲南之人知有總兵不知有朝廷久矣世守已久亦
難輕動往歲加巡撫以贊理之秩蓋欲分其權也而
土官猛寅近奏軍務當歸總兵意甚可惡如得良撫
臣默處得宜斯爲上策

閏十月定曲阜知縣孔氏選二人送撫按覆試遷補
十一月給事中胡應嘉劾大學士高拱拱疏辯上
病未省拱自入直贊玄與階意頗相左時上久不
愈拱以裕邸講臣恐其將見柄用故極力攻之應嘉
素昵階拱疑有所承警覺愈深

十二月庚子上疾甚還大內午時崩大學士階啓
裕上入主喪事次日頒遺詔明年正月上尊謚曰欽
天履道英毅聖神宣文廣武洪仁大孝肅皇帝廟號
世宗三月葬永陵

范守已曰臣於少師階處捧讀

諭劄及曠愛止

草云見所擬。帝寘定有不審數字者。卽全當亦必更易數字。不符意則駁再擬。更不稱譙讓隨之。閣臣惴惴受成而已。故張弛皆自獨斷。至不可測度也。

譚希思曰。肅皇博綜經史。尤深於尚書。孜孜以敬天恤民爲務。至於親禮儒臣。訪若家人父子。終不假借以威福。群臣雖貴寵。不敢以疑事嘗試。勳戚近侍。朝爲肺腑。暮受譴誅。澤雨露而威風霆。內外震懾。善始令終。真不世出之主也。

臣重熙曰。世廟威權自出。大禮大獄。悉繇宸斷。

群議屹不可搖。而尤知人善任使。張夏皆拔自庶僚。用居輔弼。卽工藝末流如徐杲輩登之九列。不以爲嫌。而使貪使詐。如張璣趙文華輩亦令收南北之功。至失事者必誅。令人念之凜凜。若乃左逕邀寵。可學隆禧輩。卽予贈卹。終不褒美一字。談相龔佩一犯立誅。雖玄修深拱事。必經畫中涓外戚。未聞一言干政。以故倭虜交誼。水旱頻仍。而海內晏然。非無以也。